



---

**SURAT EDARAN PENTADBIRAN  
BILANGAN 15 TAHUN 2023**

---

**PEMBERIAN BANTUAN KHAS PENGHARGAAN  
PENJAWAT AWAM DAN PESARA KERAJAAN  
TAHUN 2023  
DI UNIVERSITI TEKNIKAL MALAYSIA MELAKA**

Pejabat Pendaftar  
**8 Ogos 2023 | 21 Muharam 1445H**

Disalinkan kepada:

Naib Canselor  
Timbalan Naib Canselor (Akademik dan Antarabangsa)  
Timbalan Naib Canselor (Penyelidikan dan Inovasi)  
Timbalan Naib Canselor (Hal Ehwal Pelajar dan Alumni)  
Pegawai-Pegawai Kanan  
YDP Majlis Perwakilan Pelajar

# UNIVERSITI TEKNIKAL MALAYSIA MELAKA

UTEM100-1/3/3 (48)

8 OGOS 2023  
21 MUHARAM 1445H

## **SURAT EDARAN PENTADBIRAN BIL. 15/2023**

### **PEMBERIAN BANTUAN KHAS PENGHARGAAN PENJAWAT AWAM DAN PESARA KERAJAAN TAHUN 2023 DI UNIVERSITI TEKNIKAL MALAYSIA MELAKA**

#### **1.0 TUJUAN**

Surat Edaran Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran Jabatan Perkhidmatan Awam No. Rujukan JPA.800-3/2/4 (33) bertarikh 01 Ogos 2023 (Bantuan Khas Penghargaan Penjawat Awam Dan Pesara Kerajaan Tahun 2023) di Universiti Teknikal Malaysia Melaka.

#### **2.0 LATAR BELAKANG**

- 2.1 Melalui Surat Edaran Jabatan Perkhidmatan Awam No. Rujukan JPA.800-3/2/4 (33) bertarikh 01 Ogos 2023, YAB Perdana Menteri melalui Majlis Peluncuran Ekonomi MADANI: Memperkasa Rakyat telah mengumumkan Bantuan Khas Penghargaan (BKP) Penjawat Awam dan Pesara Kerajaan Tahun 2023 sebanyak RM300.00 kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah termasuk pegawai/kakitangan lantikan kontrak. Di samping itu, BKP Penjawat Awam dan Pesara Kerajaan Tahun 2023 ini turut dipanjangkan kepada pesara Kerajaan termasuk pesara berpencen, penerima pencen terbitan, pesara Skim Kumpulan Wang Simpanan Pekerja (KWSP), pesara bersara pilihan dan belum menerima pencen, veteran berpencen serta veteran tidak berpencen sebanyak RM200.00.
- 2.2 Universiti melalui keputusan Mesyuarat Lembaga Pengarah Universiti yang dilaksanakan secara Edaran pada 4 Ogos 2023 telah bersetuju untuk menerima pakai dengan pindaan keputusan Kerajaan ini untuk dilaksanakan di UTeM tertakluk kepada syarat-syarat yang dinyatakan di bawah.

### 3.0 PELAKSANAAN

Selaras dengan keputusan tersebut, kaedah pelaksanaan pembayaran BKP Penjawat Awam dan Pesara Kerajaan Tahun 2023 di UTeM adalah seperti berikut:-

#### 3.1 Bayaran **LAYAK** diberikan kepada:

- (i) staf Kumpulan Pengurusan dan Profesional serta Kumpulan Pelaksana Gred 56<sup>1</sup> dan ke bawah yang **masih berkhidmat pada 10 Ogos 2023**. Staf Kumpulan Pengurusan dan Profesional serta Kumpulan Pelaksana yang layak tersebut merupakan:
  - a. staf lantikan tetap, sementara dan *Contract of Service*(COS) <sup>2</sup>;
  - b. staf yang bercuti bergaji penuh;
  - c. staf yang bercuti separuh gaji;
  - d. staf yang bercuti tanpa gaji; dan
  - e. staf yang dipinjamkan termasuk ke agensi yang diasingkan pengurusan saraannya. BKP Penjawat Awam dan Pesara Kerajaan Tahun 2023 ini akan dibayar oleh agensi yang menerima peminjaman staf.

#### 3.2 BKP Penjawat Awam dan Pesara Kerajaan Tahun 2023 ini **TURUT DIBAYAR** kepada Pekerja Sambilan Harian (PSH) yang masih berkhidmat pada 10 Ogos 2023 dan telah dilantik sebelum 10 Ogos 2023 dengan syarat tempoh kontraknya telah berkuat kuasa sekurang-kurangnya 30 hari berturut-turut;.

#### 3.3 Bagi pesara Kerajaan termasuk penerima pencen terbitan di bawah undang-undang pencen, pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/56/58/60 tahun) atau bersara Atas Sebab Kesihatan (ASK), pesara bersara pilihan dan belum menerima pencen pada atau sebelum 10 Ogos 2023 akan dibayar sebanyak RM200.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

---

<sup>1</sup> Staf di Gred 56 atau setara. Tidak termasuk staf yang sedang memangku di Gred Utama/Khas.

<sup>2</sup>Bagi staf di bawah *Contract for Service*, surat edaran berasingan akan dikeluarkan oleh Kementerian Kewangan.

- 3.4 Pesara (rujuk para 3.) dan veteran yang dilantik semula secara lantikan tetap, sementara serta *Contract Of Service* (COS) dan masih berkhidmat pada 10 Ogos 2023 layak dibayar sebanyak RM300.00. Pembayaran sebanyak RM200.00 akan dibuat oleh JPA/JHEV dan bakinya sebanyak RM100.00 akan dibayar oleh jabatan di mana staf sedang berkhidmat;
- 3.5 Staf yang meninggal dunia pada 10 Ogos 2023 layak diberi BKP Penjawat Awam dan Pesara Kerajaan Tahun 2023 sebanyak RM300.00;
- 3.6 Bayaran **TIDAK LAYAK** diberikan kepada:
- (i) staf dalam Kumpulan Pengurusan Tertinggi dan setaraf termasuk staf yang memangku, dipinjam/tukar sementara dan penempatan khas ke Gred Jawatan Utama/Gred Khas;
  - (ii) staf yang dikenakan hukuman tatatertib buang kerja atau turun pangkat dalam tempoh 1 Januari 2023 hingga 10 Ogos 2023;
  - (iii) staf yang ditamatkan perkhidmatan demi kepentingan awam dalam tempoh 1 Januari 2023 hingga 10 Ogos 2023;
  - (iv) staf yang meletak jawatan dalam tempoh 1 Januari 2023 hingga 10 Ogos 2023; dan
  - (v) staf berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).
- 3.7 Staf yang **ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib Universiti akan ditangguhkan pemberian** BKP Penjawat Awam dan Pesara Kerajaan Tahun 2023 ini. Staf **hanya layak diberi** BKP Penjawat Awam dan Pesara Kerajaan Tahun 2023 **setelah dibebaskan daripada pertuduhan tatatertib atau dikenakan hukuman selain buang kerja atau diturunkan pangkat** oleh Jawatankuasa Tatatertib Universiti; dan
- 3.8 Staf yang **sedang ditangguhkan bayaran emolumen kerana Tidak Hadir Bertugas Tanpa Kebenaran** juga akan ditangguhkan bayaran BKP Penjawat

Awam dan Pesara Kerajaan Tahun 2023. Staf hanya layak dibayar BKP Penjawat Awam dan Pesara Kerajaan Tahun 2023 apabila hadir kembali bertugas dan tertakluk kepada pengesahan Unit Integriti, Pejabat Naib Canselor mengenai pembebasan staf daripada pertuduhan tatatertib atau dikenakan hukuman selain buang kerja atau diturunkan pangkat oleh Jawatankuasa Tatatertib yang berkenaan.

#### **4.0 TARIKH PEMBAYARAN**

- 4.1 BKP Penjawat Awam dan Pesara Kerajaan Tahun 2023 ini akan dibayar pada **10 Ogos 2023.**

#### **5.0 TARIKH KUAT KUASA**

- 5.1 Surat Edaran Pentadbiran ini berkuat kuasa mulai tarikh ia dikeluarkan.

Sekian, terima kasih.

**“MALAYSIA MADANI”**

**“BERKHIDMAT UNTUK NEGARA”**

**“KOMPETENSI TERAS KEGEMILANGAN”**

Saya yang menjalankan amanah,



**MASDZARIF BIN MAHAT**

Ketua Pegawai Operasi

Universiti Teknikal Malaysia Melaka